



## Awdurdodi'r proffesiwn

Iau 2021

[English \[https://indemnity.sra.org.uk/sra/research-publications/authorisation-review/\]](https://indemnity.sra.org.uk/sra/research-publications/authorisation-review/) Cymraeg

Mae'r broses awdurdodi yn allweddol. Rydyn ni'n defnyddio'r broses i sicrhau bod unigolion a busnesau yn cyrraedd y safonau proffesiynol uchel rydyn ni a'r cyhoedd yn eu disgwyl pan fyddant yn ymuno â'r proffesiwn.

Rydyn ni'n gwneud hyn drwy gynnal archwiliadau cefndir, gan gynnwys sicrhau nad oes unrhyw broblemau o ran cymeriad ac addasrwydd, a thrwy sicrhau bod yr ymgeiswyr yn meddu ar y sgiliau a'r cymwysterau priodol. Ein blaenoriaeth yw sicrhau nad oes dim risg i'r cyhoedd wrth ganiatáu i unigolion neu gwmnïau ymuno â'r proffesiwn. Rydyn ni hefyd yn ceisio gwneud i'r broses hon weithio mor effeithlon a didrafferth â phosibl.

Mae'r siartiau isod yn rhoi manylion am ein gwaith yn y maes hwn ac yn tynnu sylw at batrymau a thueddiadau allweddol. Mae rhestr o'r termau ar gael ar waelod y dudalen hon.

Sylwch mai rhwng 1 Tachwedd a 31 Hydref yw ein blwyddyn fusnes. Oni nodir yn wahanol, mae'r ffigurau hyn ar gyfer mis Hydref y flwyddyn ddiwethaf – hy, mae'r ffigurau ar gyfer 2019/20 yn gywir fel ar 31 Hydref 2020.

[Open all \[#\]](#)

### **Pwy ydyn ni'n eu hawdurdodi a'u rheoleiddio**

- Cyfreithwyr sy'n ymarfer cyfraith Cymru a Lloegr yng Nghymru a Lloegr.
- Cyfreithwyr sy'n ymarfer cyfraith Cymru a Lloegr dramor.
- Cyfreithwyr nad ydynt yn ymarfer sydd ar y gofrestr cyfreithwyr (gweler yr eirfa).
- Y rhan fwyaf o gwmnïau cyfreithiol a rhai mathau eraill o fusnesau yng Nghymru a Lloegr sy'n cynnig gwasanaethau cyfreithiol.
- Cyfreithwyr tramor cofrestredig (RFLs) a chyfreithwyr Ewropeaidd cofrestredig (RELs).

### **Proffil o'r farchnad**

#### **Proffil o gwmnïau cyfreithiol**

Mae nifer y cwmnïau cyfreithiol sy'n dewis gwneud cais am strwythur busnes amgen (sydd ar gael i'r rheini nad ydynt yn gyfreithwyr sydd â rheolaeth neu berchnogaeth) yn parhau i gynyddu ac mae'n ddewis arbennig o boblogaidd i gwmnïau corfforedig. Er bod gostyngiad bach wedi bod yn nifer cyffredinol y cwmnïau cyfreithiol yng Nghymru a Lloegr dros y saith mlynedd diwethaf, mae wedi aros yn gymharol sefydlog. Mae hyn yn wahanol i nifer y cyfreithwyr sy'n ymarfer, sy'n parhau i gynyddu o un flwyddyn i'r llall ([gweler proffil o'r boblogaeth cyfreithwyr \[#\\_Profile\\_of\\_solicitor\]](#)).

**2013/14 2014/15 2015/16 2016/17 2017/18 2018/19 2019/20**

|                                |        |        |        |        |        |        |        |
|--------------------------------|--------|--------|--------|--------|--------|--------|--------|
| Cyfanswm y cwmnïau cyfreithiol | 10,444 | 10,336 | 10,415 | 10,420 | 10,407 | 10,341 | 10,107 |
| Cwmnïau â thrwydded ABS        | 325    | 424    | 550    | 681    | 791    | 877    | 945    |

## Dadansoddiad o'r mathau o gwmnïau cyfreithiol

|                                                                     | 2013/14 | 2014/15 | 2015/16 | 2016/17 | 2017/18 | 2018/19 | 2019/20 |
|---------------------------------------------------------------------|---------|---------|---------|---------|---------|---------|---------|
| <b>Yn cynnwys cwmni</b>                                             | 3,509   | 3,813   | 4,205   | 4,537   | 4,778   | 4,952   | 5,015   |
| <b>Yn cynnwys cwmni â thrwydded ABS (is-set)</b>                    | 186     | 268     | 369     | 477     | 559     | 629     | 687     |
| <b>Ymarferydd unigol</b>                                            | 2,856   | 2,725   | 2,627   | 2,489   | 2,367   | 2,217   | 2,060   |
| <b>Partneriaeth</b>                                                 | 2,419   | 2,203   | 1,978   | 1,799   | 1,673   | 1,584   | 1,470   |
| <b>Partneriaeth â thrwydded ABS (is-set)</b>                        | 23      | 25      | 28      | 30      | 41      | 46      | 47      |
| <b>Partneriaeth Atebolrwydd Cyfyngedig</b>                          | 1,577   | 1,550   | 1,559   | 1,557   | 1,542   | 1,549   | 1,526   |
| <b>Partneriaeth atebolrwydd cyfyngedig â thrwydded ABS (is-set)</b> | 116     | 130     | 152     | 172     | 189     | 199     | 208     |
| <b>Arall</b>                                                        | 83      | 45      | 46      | 38      | 37      | 39      | 36      |
| <b>Arall â thrwydded ABS – (is-set)</b>                             |         | 1       | 1       | 2       | 2       | 3       | 3       |

Sylwch, oherwydd natur eu busnes, nid yw ymarferwyr unigol yn gallu cael trwyddedau strwythur busnes amgen. Rhaid i rywun nad yw'n gyfreithiwr fod yn rhan o'r gwaith o redeg strwythur busnes amgen.

## [Proffil o'r boblogaeth cyfreithwyr](#)

Mae nifer y cyfreithwyr sy'n ymarfer wedi parhau i gynyddu dros y blynyddoedd diwethaf ac wedi cyrraedd y lefel uchaf ym mis Hydref 2020, gan ddangos bod gweithio fel cyfreithiwr yng Nghymru a Lloegr yn dal i fod yn ddewis gyrfa deniadol.

| Cyfreithwyr gyda thystysgrifau ymarfer | Ar y gofrestr cyfreithwyr |
|----------------------------------------|---------------------------|
| 2010/11 124,306                        | 162,818                   |
| 2011/12 127,353                        | 169,338                   |
| 2012/13 130,643                        | 162,367                   |
| 2013/14 133,327                        | 164,598                   |



|         |         |         |
|---------|---------|---------|
| 2014/15 | 135,294 | 171,464 |
| 2015/16 | 139,313 | 178,340 |
| 2016/17 | 143,072 | 185,240 |
| 2017/18 | 146,625 | 192,121 |
| 2018/19 | 150,349 | 199,181 |
| 2019/20 | 153,082 | 205,688 |

Sylwch, mae'r ffigurau hyn yn berthnasol i gyfreithwyr yn unig ac nid ydynt yn cynnwys cyfreithwyr Ewropeaidd cofrestredig na chyfreithwyr tramor cofrestredig.

## **Hawlildiadau a'r Gofod Arloesi**

Rydyn ni am weld cwmnïau'n arloesi mewn marchnad gyfreithiol fodern, gan weithio mewn ffyrdd newydd ar gyfer eu cwsmeriaid a'i gwneud yn haws i bobl ddod o hyd i'r gwasanaeth cyfreithiol sydd ei angen arnynt.

Rydyn ni wedi ymrwymo i helpu darparwyr gwasanaethau cyfreithiol presennol i ddatblygu eu busnesau mewn ffyrdd newydd ac i gefnogi mathau newydd o sefydliadau sy'n ystyried darparu gwasanaethau cyfreithiol am y tro cyntaf.

Mae ein rheolau yno i ddiogelu'r cyhoedd, ond rydyn ni am sicrhau nad ydynt yn rhwystro cwmnïau a chyfreithwyr rhag cynnig gwasanaethau cyfreithiol mewn ffyrdd newydd a chreadigol. [Mae ein polisi hawlildiadau](#)

[\[https://indemnity.sra.org.uk/solicitors/resources-archived/waivers/\]](https://indemnity.sra.org.uk/solicitors/resources-archived/waivers/) a [Gofod Arloesi](#)

[\[https://indemnity.sra.org.uk/solicitors/resources/innovate/sra-innovate/\]](https://indemnity.sra.org.uk/solicitors/resources/innovate/sra-innovate/) (a gyflwynwyd yn 2016) yn croesawu cwmnïau, cyfreithwyr ac ymgeiswyr newydd i'r farchnad i archwilio gwahanol ffyrdd o redeg eu busnes a chyflwyno syniadau gwreiddiol, gan sicrhau bod y cyhoedd yn cael eu diogelu'n briodol. Mae'r Gofod Arloesi yn faes prawf rheoledig ar gyfer syniadau sy'n debygol o fod o fudd i'r cyhoedd.

Ers [cyflwyno ein Safonau a'n Rheoliadau newydd](#)

[\[https://indemnity.sra.org.uk/solicitors/standards-regulations/\]](https://indemnity.sra.org.uk/solicitors/standards-regulations/) ym mis Tachwedd 2019, nid ydym yn caniatáu rhai o'r hawlildiadau a nodir yn y tabl isod mwyach. Y rheswm am hyn yw bod ein rheolau nawr yn fwy hyblyg ac yn llai rhagnodol, felly nid oes angen cynnig ateb.

## **Mathau o hawlildiadau a ganiatawyd**

| <b>Hawlildiadau<br/>a<br/>ganiatawyd</b> | <b>Beth mae'n ei olygu</b>                                                                                 | <b>Nifer a<br/>ganiatawyd<br/>yn 2017/18</b> | <b>Nifer a<br/>ganiatawyd<br/>yn 2018/19</b> | <b>Nifer a<br/>ganiatawyd<br/>yn 2019/20</b> |
|------------------------------------------|------------------------------------------------------------------------------------------------------------|----------------------------------------------|----------------------------------------------|----------------------------------------------|
| Rheolau<br>Awdurdodi                     | Efallai y byddwn yn hepgor rhai o'n Rheolau Awdurdodi os ydynt yn ormod o faich ar gwmni.                  | 19                                           | 28                                           | 76                                           |
| Rheolau<br>Fframwaith<br>Ymarfer         | Gallwn hepgor ein rheolau ynghylch sut a ble y gallai cyfreithwyr a phobl eraill rydyn ni'n eu rheoleiddio | 38                                           | 33                                           | 0                                            |



|                                           |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                   |   |   |  |
|-------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---|---|--|
|                                           | <p>weithio. Rydyn ni'n caniatáu hyn os ydyn ni'n fodlon nad oes risg i'r cyhoedd wrth wneud hynny. Er enghraifft, rydyn ni wedi caniatáu i gyfreithwyr weithio mewn cwmnïau nad ydym yn eu rheoleiddio, ac nad ydynt yn cael eu rheoleiddio gan reoleiddiwr gwasanaethau cyfreithiol arall, ar yr amod nad ydynt yn delio ag arian cleientiaid. O dan y Safonau a'r Rheoliadau newydd, nid oes rhaid i gwmnïau wneud cais am yr hawlildiad penodol hwn gan fod y trefniant hwn bellach yn cael ei ganiatáu.</p> <p>Gallwn gytuno nad oes angen i gwmnïau gael y telerau a'r amodau sylfaenol ar gyfer yswiriant indemniad proffesiynol sy'n ofynnol fel arfer o dan ein rheolau. Rydyn ni wedi gwneud hyn mewn achosion lle mae gan y cwmni bolisi yswiriant amgen sydd â thelerau tebyg neu well na'n rhai ni.</p> <p>Gallwn gytuno nad oes angen i gwmnïau anfon adroddiad blynyddol o'u cyfrifon atom os ydynt yn cau. Er enghraifft, rydyn ni'n hepgor y rheol hon os rydyn ni'n gweld bod nifer fach iawn o drafodion cleientiaid wedi cael eu trin dros gyfnod o amser.</p> |   |   |  |
| Gofynion yswiriant indemniad proffesiynol | 6                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 | 4 | 7 |  |
| Cyflwyno adroddiadau cyfrifwyr            | 6                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 | 9 | 5 |  |



|                    |                                                                                                                                                                                                                                  |   |   |  |  |
|--------------------|----------------------------------------------------------------------------------------------------------------------------------------------------------------------------------------------------------------------------------|---|---|--|--|
| Ffi cronfa iawndal | Gallwn gytuno nad oes rhaid i gwmnïau gyfrannu at y gronfa iawndal. Gallwn wneud hyn os yw cwmni ond wedi dal swm bach iawn o arian cleient am gyfnod byr iawn, ac nad oes risg y bydd ei gleient yn gwneud hawliad ar y gronfa. |   |   |  |  |
|                    | 2                                                                                                                                                                                                                                | 3 | 2 |  |  |

## Rheoliadau Cymru

Mae ychydig dros 4,000 o gyfreithwyr sy'n ymarfer a dros 400 pencadlys wedi'u lleoli yng Nghymru (ffigur amcangyfrifedig yw hwn oherwydd gweithio trawsffiniol). Mae hyn oddeutu 4% o holl brif swyddfeydd cwmnïau cyfreithiol. Mae oddeutu chwarter y cwmnïau sydd wedi'u lleoli yng Nghymru a deiliaid tystysgrif ymarfer yng Nghaerdydd.

Cafodd tua 776 o dystysgrifau ymarfer eu cyhoeddi yn Gymraeg y llynedd, gan gefnogi gwasanaethau a gynigir i bobl sy'n siarad Cymraeg. Parhaodd cwmnïau cyfreithiol yng Nghymru i ffynnu yn 2019/20. Roedd eu trosiant yn \$435m yn 2017/18, cynnydd o £55m o'i gymharu â phum mlynedd yn ôl.

Yn 2020 ac fel rhan o'n rhaglen TG fawr, rydyn ni nawr yn cyhoeddi ein holl dystysgrifau ymarfer yn Gymraeg ac yn Saesneg fel mater o drefn, gan sicrhau ein bod yn trin y ddwy iaith yn gyfartal ac nad oes rhaid i gyfreithwyr ofyn am dystysgrif yn Gymraeg nac ateb cwestiwn ynghylch a ydynt yn siarad Cymraeg.

## **Rheoleiddio Cymru**

|         | <b>Deiliaid<br/>tystysgrif<br/>ymarfer<br/>yng<br/>Nghymru</b> | <b>Prif<br/>swyddfeydd<br/>yng<br/>Nghymru</b> | <b>Canran y<br/>cwmnïau<br/>cyfreithiol<br/>yng<br/>Nghymru</b> | <b>Deiliaid<br/>tystysgrif<br/>ymarfer<br/>sy'n nodi<br/>eu bod<br/>yn siarad<br/>Cymraeg</b> | <b>Tystysgrifau<br/>ymarfer a<br/>gyhoeddwyd<br/>yng<br/>Nghymru</b> | <b>Trosiant</b> |
|---------|----------------------------------------------------------------|------------------------------------------------|-----------------------------------------------------------------|-----------------------------------------------------------------------------------------------|----------------------------------------------------------------------|-----------------|
| 2014/15 | 3,713                                                          | 453                                            | 4%                                                              | 1101                                                                                          | 762                                                                  | £370m           |
| 2015/16 | 3,700                                                          | 450                                            | 4%                                                              | 1,081                                                                                         | 761                                                                  | £380m           |
| 2016/17 | 3,770                                                          | 440                                            | 4%                                                              | 1,140                                                                                         | 790                                                                  | £397m           |
| 2017/18 | 3,885                                                          | 443                                            | 4%                                                              | 1,172                                                                                         | 793                                                                  | £410m           |
| 2018/19 | 3,927                                                          | 431                                            | 4%                                                              | 1,205                                                                                         | 783                                                                  | £428m           |
| 2019/20 | 4,003                                                          | 420                                            | 4%                                                              | 1,182                                                                                         | 776                                                                  | £435m           |

Sylwch fod ffigurau 2015/16-2018/19 ar gyfer tystysgrifau ymarfer a gyhoeddwyd yng Nghymru yn wahanol i'r rhai a gofnodwyd yn Adolygiad Awdurdodi y llynedd. Y rheswm am hyn yw bod cyfreithwyr, ers hynny, wedi gofyn am gopiâu o'u tystysgrifau ymarfer yn Gymraeg ar gyfer y blynyddoedd ymarfer blaenorol. Y ffigurau a ddangosir yn y tabl hwn yw'r rhai diweddaraf.



## **Awdurdodi - geirfa**

Strwythur busnes amgen (ABS)

Strwythur sy'n caniatáu i bobl nad ydynt yn gyfreithwyr fod yn berchen ar gwmnïau cyfreithiol neu fuddsoddi ynddynt.

Awdurdodi

Pan rydyn ni'n ystyried ceisiadau gan unigolion a chwmnïau i ymuno â'r farchnad gwasanaethau cyfreithiol rheoledig.

Cwmni corfforedig

Busnes sydd wedi'i sefydlu gan un person neu fwy. Mae gan gwmnïau corfforedig reolau treth a llywodraethu gwahanol, sy'n gallu bod yn ddeniadol i'r perchnogion, yn dibynnu ar anghenion eu busnes. Mae atebolrwydd ariannol y perchnogion hefyd yn gyfyngedig.

Partneriaeth atebolrwydd cyfyngedig (LLP)

Strwythur busnes lle mae dau bartner neu fwy. Mae'n cyfyngu ar atebolrwydd ariannol y partneriaid.

Ymarfer amlddisgyblaeth

Strwythur busnes sy'n cynnig gwasanaethau cyfreithiol a gwasanaethau proffesiynol eraill i gwsmeriaid, fel cyfrifeg neu arolygu.

Partneriaeth

Strwythur busnes lle mae dau bartner neu fwy. Gall fod yn haws ffurfio, rheoli a rhedeg partneriaethau. Yn wahanol i gwmni corfforedig neu LLP, nid oes angen i chi ffeilio unrhyw ddogfennau gyda'r llywodraeth i wneud eich busnes yn bartneriaeth. Hefyd, nid oes angen i bartneriaethau baratoi a chyhoeddi eu cyfrifon.

Tystysgrif ymarfer

Dogfen rydyn ni'n ei chyhoeddi sy'n caniatáu i gyfreithwyr ymarfer y gyfraith. Rhaid i gyfreithwyr adnewyddu eu tystysgrif ymarfer bob blwyddyn.

Cyfreithiwr Ewropeaidd Cofrestredig (REL)

Cyfreithiwr sydd wedi cymhwyso yn yr UE ac sy'n cofrestru gyda ni i ymarfer cyfraith Cymru a Lloegr yng Nghymru a Lloegr.

Cyfreithiwr tramor cofrestredig (RFL)

Cyfreithiwr o'r tu allan i'r UE ac Ardal Economaidd Ewrop sy'n cofrestru gyda ni i ymarfer cyfraith Cymru a Lloegr yng Nghymru a Lloegr.

Cofrestr cyfreithwyr

Dyma gofnod o'r cyfreithwyr rydyn ni wedi'u hawdurdodi i ymarfer cyfraith Cymru a Lloegr. Ni fydd pob cyfreithiwr ar y gofrestr yn ymarfer y gyfraith ar y pryd.

Ymarferydd unigol

Cyfreithiwr sy'n rhedeg ei bractis cyfreithiol ei hun ar ei ben ei hun.

## **Rhagor o wybodaeth**

[Ystadegau'r boblogaeth sy'n cael ei rheoleiddio](https://indemnity.sra.org.uk/sra/how-we-work/archive/reports/statistics/regulated-community-statistics/) [https://indemnity.sra.org.uk/sra/how-we-work/archive/reports/statistics/regulated-community-statistics/]

[Pa mor amrywiol yw'r proffesiwn cyfreithiol?](https://indemnity.sra.org.uk/sra/equality-diversity/diversity-profession/diverse-legal-profession/) [https://indemnity.sra.org.uk/sra/equality-diversity/diversity-profession/diverse-legal-profession/]

[Her Mynediad Cyfreithiol – casgliad a'r camau nesaf](https://indemnity.sra.org.uk/sra/how-we-work/archive/reports/legal-access-challenge/)

[https://indemnity.sra.org.uk/sra/how-we-work/archive/reports/legal-access-challenge/]

[Strategaeth gorfforaethol yr Awdurdod Rheoleiddio Cyfreithwyr 2020 i 2023](https://indemnity.sra.org.uk/sra/corporate-strategy/)

[https://indemnity.sra.org.uk/sra/corporate-strategy/]